

Քաղաքացիական Ծառայության Պաշտոնի Անձնագիր

27-34.7-Մ3-9 Ավագ մասնագետ(2025-11-24)

1. Ընդհանուր դրույթներ

1.1 Պաշտոնի Անվանում, Ծածկագիր

Ներքին գործերի նախարարություն | Տեղեկատվական տեխնոլոգիաների և կապի վարչություն | Համակարգչային ցանցի կառավարման և տեղեկատվական անվտանգության բաժին | Ավագ մասնագետ, (27-34.7-Մ3-9)

1.2 Ենթակա և հաշվետու է

Ավագ մասնագետն անմիջական ենթակա և հաշվետու է Բաժնի պետին:

1.3 Փոխարինող պաշտոնի կամ պաշտոնների անվանումները

Ավագ մասնագետի բացակայության դեպքում նրան փոխարինում է Բաժնի ավագ մասնագետներից մեկը կամ Բաժնի գլխավոր մասնագետներից մեկը:

1.4 Աշխատավայր

Հայաստանի Հանրապետություն, ք. Երևան, Մալաթիա-Սեբաստիա վարչական շրջան, Ծովակալ Իսակովի 25:

2. Պաշտոնի բնութագիր

2.1 Աշխատանքի բնույթը (գործառնություններ), Իրավունքները, Պարտականությունները

- իրականացնում է Նախարարության և նրան ենթակա պետական մարմինների ներքին համակարգչային ցանցերի ու կապի այլ միջոցների, ինչպես նաև ընդգրկված տեխնիկական և ծրագրային միջոցների (այդ թվում՝ էլեկտրոնային փաստաթղթաշրջանառության համար անհրաժեշտ) անխափան աշխատանքը, դրանց նախագծման, կառուցման, ընդլայնման, արդիականացման և նորոգման աշխատանքները:
- իրականացնում է Նախարարության և նրան ենթակա պետական մարմինների ներքին համակարգչային ցանցի տեղեկատվական անվտանգության և մոնիթորինգի իրականացման աշխատանքները:
- մասնակցում է հանդիպումների, տեսակոնֆերանսների և այլ միջոցառումների ժամանակ կապի կազմակերպման աշխատանքներին:
- իրականացնում է համաշխարհային համակարգչային ցանցի ռեսուրսների հասանելիության կարգավորումը Նախարարության և նրան ենթակա պետական մարմինների ներքին համակարգչային ցանցում, դրանց արդյունավետ ու նպատակային օգտագործման հսկողության և համակարգչային ցանցի անվտանգության աշխատանքները:
- մասնակցում է Նախարարությունում և նրան ենթակա պետական մարմիններում առկա տեսախցիկների անխափան աշխատանքի և դրանց ծրագրային կարգավորումների աշխատանքներին:
- մասնակցում է ցանցային սարքավորումների ներդրման նախապատրաստման, դրանց արդիականացման կամ նորոգման անհրաժեշտության հիմնավորման, ինչպես նաև համապատասխան շուկայական ուսումնասիրության աշխատանքներին՝ Նախարարության

և նրան ենթակա պետական մարմինների ցանցային նոր սարքավորումների և համակարգերի ներդրման համար:

Իրավունքները.

- Բաժնի առջև դրված գործառույթների ու խնդիրների իրականացման նպատակով համապատասխան մարմիններից, կազմակերպություններից, Նախարարության տարբեր ստորաբաժանումներից ստանալ անհրաժեշտ տեղեկատվություն, լրացուցիչ անհրաժեշտ փաստաթղթեր, առաջարկություններ և գրություններ.
- Բաժնի պետին ներկայացնել առաջարկություններ տեղային ցանցի աշխատանքի օպտիլացման և անխափան աշխատանքների կազմակերպման ուղղությամբ.
- Նախարարության և նրան ենթակա պետական մարմինների կաուցվածքային ստորաբաժանումներից ստանալ տեղեկատվություն, անհրաժեշտ նյութեր և փաստաթղթեր համացանցային կապի, ներքին ցանցի աշխատանքների վերաբերյալ.
- մասնակցել Նախարարության կառուցվածքային ստորաբաժանումների, ինչպես նաև այլ գերատեսչությունների կողմից կազմակերպված աշխատանքային քննարկումներին:

Պարտականությունները.

- պարբերաբար ուսումնասիրել և Բաժնի պետին ներկայացնել Նախարարության և նրան ենթակա պետական մարմինների տեղային (լոկալ) ցանցի և սերվերների աշխատունակության հետ կապված խնդիրները.
- տեղակայել Նախարարության և նրան ենթակա պետական մարմինների աշխատակիցների համակարգիչների, սարքային բաղադրիչների և ծրագրային գործիքների, գործավար համակարգերը.
- մեթոդական աջակցություն ցուցաբերել Նախարարության և նրան ենթակա պետական մարմինների աշխատակիցներին՝ համակարգչային նոր ծրագրերի շահագործման ապահովման նպատակով.
- ուսումնասիրել Նախարարությունում և նրան ենթակա պետական մարմիններում շահագործվող համակարգչային տեխնիկայի և ծրագրային փաթեթների արդիականությունը.
- պարբերաբար ուսումնասիրել Նախարարության և նրան ենթակա պետական մարմինների էլեկտրոնային տեղեկատվության, լոկալ և գլոբալ համակարգչային ցանցերը, դրանց անխափան աշխատանքի և անվտանգության նպատակով կատարել զննություններ.
- պարբերաբար կատարել զննություններ Նախարարության և նրան ենթակա պետական մարմինների ներքին համակարգչային, հեռախոսակապի, կապի այլ միջոցների անխափան աշխատանքներն ապահովելու նպատակով.
- պարբերաբար ստուգել Նախարարության և նրան ենթակա պետական մարմինների տպիչների և պատճենահանող սարքերը, անհրաժեշտության դեպքում կատարել դրանց սպասարկման հետ կապված աշխատանքները.
- ներկայացնել առաջարկություններ գործող ծրագրային ապահովման լրամշակման (կատարելագործման) համար.
- մշտապես ստուգել ներքին համակարգչային ցանցի տեղեկատվական անվտանգությունը, ինտերնետային կապը, դրա առկայությունն ու արագությունը, խնդիրների կամ թերությունների առկայության դեպքում իր իրավասության սահմաններում վերացնել դրանք.
- ցանցային սարքավորումների և համակարգերի շահագործման ընթացքում ի հայտ եկած խնդիրների վերաբերյալ կազմել հաշվետվություններ.
- համագործակցել համապատասխան տարածքային ստորաբաժանման ղեկավարի հետ:

3 Պաշտոնին ներկայացվող պահանջներ

3.1 Կրթություն, որակավորման աստիճանը

ԲԱՐՁՐԱԳՈՒՅՆ ԿՐԹՈՒԹՅՈՒՆ

3.2 Մասնագիտական գիտելիքները

Ունի գործառնությունների իրականացման համար անհրաժեշտ գիտելիքներ:

3.3 Աշխատանքային ստաժ, աշխատանքի բնագավառում փորձը

Հանրային ծառայության առնվազն մեկ տարվա ստաժ կամ մեկ տարվա մասնագիտական աշխատանքային ստաժ կամ համակարգչային համակարգերի մշակման և վերլուծության բնագավառում՝ մեկ տարվա աշխատանքային ստաժ:

3.4 Անհրաժեշտ կոմպետենցիաներ

- ԸՆԴՀԱՆՐԱԿԱՆ
 - Խնդրի լուծում
 - Հաշվետվությունների մշակում
 - Բարեվարքություն
 - Տեղեկատվության հավաքագրում, վերլուծություն
- ԸՆՏՐԱՆՔԱՅԻՆ
 - Տեղեկատվական տեխնոլոգիաներ և հեռահաղորդակցություն
 - Ժամանակի կառավարում
 - Փաստաթղթերի նախապատրաստում

4 Կազմակերպական շրջանակ

4.1 Աշխատանքի կազմակերպման և ղեկավարման պատասխանատվությունը

Պատասխանատու է կառուցվածքային ստորաբաժանման աշխատանքների բնույթով պայմանավորված մասնագիտական գործունեության վերջնարդյունքին նպաստող միջանկյալ արդյունքի ստեղծման համար:

4.2 Որոշումներ կայացնելու լիազորությունները

Կայացնում է որոշումներ կառուցվածքային ստորաբաժանման աշխատանքների բնույթով պայմանավորված՝ մասնագիտական գործունեության վերջնարդյունքին նպաստող միջանկյալ արդյունքի ստեղծման շրջանակներում:

4.3 Գործունեության ազդեցությունը

Ունի ազդեցություն մասնագիտական աշխատանքների ապահովման և որոշակի մասնագիտական գործառնությունների իրականացման շրջանակներում:

4.4 Ծփումները և ներկայացուցչությունը

Իր իրավասության շրջանակներում շփվում և որպես ներկայացուցիչ հանդես է գալիս համապատասխան մարմնի այլ կառուցվածքային ստորաբաժանումների ներկայացուցիչների, այլ

մարմինների և միջազգային կազմակերպությունների ներկայացուցիչների հետ, հանդես է գալիս համապատասխան մարմնի ներսում և համապատասխան մարմնից դուրս ձևավորված մասնագիտական աշխատանքային խմբերում:

4.5 Խնդիրների բարդությունը և դրանց լուծումը

Իր լիազորությունների շրջանակներում բացահայտում է մասնագիտական խնդիրներ և ներկայացնում խնդիրների լուծման տարբերակներ և մասնակցում է կառուցվածքային ստորաբաժանման առջև դրված խնդիրների լուծմանը: